

52569/10

208

SCHEDIASMA  
DE  
VARIOLIS  
ADULTORUM.

Rationem periculi earundem apud adul-  
tos, & methodum qua illud securius declinari possit  
exponens.

Auctore

CONRADO BURCARDO VOGTHER,  
Med.D. Serenissimæ Princip. Electoral. Brunswico-  
Luneburg. Consil. & Archiatro & Reip. Ulmens,  
Phys. Ordin.

---

U L M Æ,  
Apud Danielem Bartholomæ,  
M D C C X I I.

RECEIVED

1911

# WILLIAMS' PINK PILLS FOR PALE PEOPLE

For the cure of all cases of  
Anemia, Indigestion, and  
General Debility.

Prepared by Dr. J. C. Williams,  
of the University of Maryland,  
Baltimore, Md.

W. W. & Co.,  
Manufacturers,  
Baltimore, Md.

300,068







## Conspectus.



*Ariolæ omnibus hominibus expectandæ sunt. Ratio hujus rei incerta est. Thema dissertationis: Cur Variolæ adultis periculosæ existant, & quomodo hoc periculum averti queat? Adultorum definitio. Variolarum descriptio. Malignitas Variolarum in adultis non est essentialis & propria, sed accidentalis & aliena, nempe non quidem Ætati absolute sed respectivè certæ illius proprietati seu conditioni adscribenda. Variolas ætati absolute & necessario haud exitiales esse probatur à posteriori, exemplis. Historia Variolarum apud adultos. 1. Schema quod plethoricum si ve sanguineum nominare possis: 2. quod cholericum s. biliosum titulum mereretur: 3. quod proprie & univocè malignum est. Nova & Variolis regularibus plane accidentalia symptomata enarrantur; nova quidem partim toto genere, partim specie, partim saltim gradu. Posteriora sunt æstus, sitis, angustia, capitis dolor, deliria, majora; summâ circulatio sanguinis ejusque consuetudine auctiora præter proportionem: media, hæmorrhagiæ criticæ vel quasi, vel tantum molimina hæmorrhagica, hæmorrhagarum scil. vel causæ efficientes immediatæ, vel consuetudine impeditarum frustratarumq; præcipue pustularum inconstantia, relapsus, pendentia à speciali sanguinis directi-*



one ad caput; porro sudores profusi: prima, Typus Febris peregrinus, non scil. remittens, sed continens & inordinatus. Symptomata hæc comparantur cum Variolarum legitimarum historia (1.) quoad typum febrilem, (2.) quoad excretiones speciales, (3.) quoad causas illarum instrumentales, (4.) quoad consequentias earundem. Similitudo Typi hujus cum Febri sanguinea, continente, & verosimilitudo Typi complicati siue compositi febrilis acuti. Febris synochos est quidem rara, non tamen prorsus nulla, & ab ephemera distincta. Quod exemplis declaratur. Frequentior cum aliis complicata, ob qualitatem sanguinis apud nostrates spissior. Schema febris pure sanguineæ cum signis pathognomonicis, causa, effectu, nempe evacuatione sanguinis vel immediata hæmorrhagica vel mediata consumptoria sudorifica. Signa hæmorrhagiæ, sudoris. Ratio formalis synochæ, Variolarum. Verosimilitudo concursus synochæ cum Variolis (1.) à subiecto, (2.) typo, (3.) excretionibus specificis, (4.) consuetudinibus harum rerum. Comparatio rationis formalis utriusque morbi & diversitas utriusque, (1.) ratione subiecti siue cause materialis, (2.) formalis, (3.) instrumentalis, (4.) huiusque specialissimæ methodi, (5.) mensuræ, (6.) excretionis specificæ. Effectus hujus compositionis. Fundamertum periculi auctororum à variolis est complicatio Februm oppositi Typi, variolosæ scil. & sanguineæ; causa mediata, sanguinis abundantia siue simplex siue commota per occasiones externas; non vero Malignitas materiæ, bene tamen Motus, seu error Naturæ patheticus. Pathologia schematis secundi seu complicatarum Variolarum cum Febri cholericæ siue καυσώδης siue ἐρυσιπελατώδης. Reflexio super tertium schema proprie malignarum, ob materiæ malignitatem. Ad objectionem cur pusiones plethorici non æque male babeant, respondetur. Therapia hujus mali. V.S. dis-



*dissuadetur, sed non in totum, ut plurimum tamen, quia non universaliter ac necessario sed accidentaliter & individualiter indicatur, imo à variolisqua variolis contraindicatur. Statuitur eam compensari posse methodo DIAPNOICA, perspirationem conservante. Hinc commendantur diapnoica, scordium, pimpinella, chacarilla, M. S. Emulsiones expulsiuæ, absorbentia, potus calidi &c. &c. attendendo Temperamenta; dissuadetur abusus ∇. fumarie; commendatur concursus Regiminis temperati. Ad symptomata vero, convulsionibus Liq. C. C. succ. gna, æstui ∅. ut & diarrhoeis, sed non dilute, & in dosi refracta, ut & theriacalia ac externa tonica. Externe commendatur amuletum, nempe camphora. Faucibus Essentia pimpinellæ ac mucilagines; cicatricibus ∅. ovor. camphoratum &c. &c.*

---



**I**Nter omnes morbos generi humano insensos nullum frequentiore esse VARIOLIS cuius innotescit. Adeo enim pestis hæc in omnes ætates, omnes sexus, omnes classes ac dignitates hominum sævit, ut inter mille vix decem occurrant, qui non vim & impetum illius sustinuerunt. Torsit hæc Variolarum frequentia ac fere fatalis cunctis mortalibus necessitas à complusculis annis pathologorum animos & plane diversas sententias ac opiniones extorsit; cum alii peculiari contagio, alii speciali aëris influxui, rursus alii sanguini materno hæreditariæque dispositioni hanc invadendi æque ac sustinendi promptitudinem adscripsere. Non vacat hunc in campum excurrere cum aliam præ manibus habeamus quæstionem, scil. cur Variolæ adultis hominibus contingentes, plerumque vel periculosæ vel prorsus exitiosæ ac deleteriæ existant, & quæ hoc periculum efficacius avertendi nobis spes aut modus sit? Hanc, cum nuper admodum inter amicos proponeretur, ore partim, partim dehinc scripto latius prosequi, & quantum per tenues nostras vires licet, resolvere placuit. Suscepimus



itaque b. c. D. hunc laborem, prolixiore quidem sermone dignissimum, sed nobis nonnisi brevissimis, varias ob causas, absolvendum. Quæ vero in sequentibus de hac materia dicentur, dicta sunt sine ullius præjudicio, quem vel experientia vel ratio melius sentire jubet.

Igitur cum materiam de Variolis adultorum pertractare quæstionemque valde difficilem, cur adultis adeo perniciosæ existant, enodare suscepim, placet quid per Variolas, quid per adultos intelligamus, brevissimis designare. Horum, nempe adultorum, nomine nobis veniunt omnes homines pubertatem transgressi, à 14. anno vel circiter ad seram usque senectutem. Quid autem Variolæ sint, neminem speramus fore laturum, cum fere nemo existat, qui non sævitiam illarum fuerit expertus. Sunt videlicet pustulæ ope febris & accidentium, febrim comitantium, caloris, sitis, inappetentiæ, vigiliarum &c. in ambitu corporis ordinario die 3. v. 4. efflorescentes, ibique ad 11. vel 14. permanentes, maturantes, ac post varios dolores ac circumjectarum partium tumores exarescentes evanescentesque; infantili ac puerili ætati familiares, neque tamen adultis parcentes, sed siquidem ipsis nondum obvenerint, eos quavis ætatis periodo, præcipue tamen juvenili floridiore, affligentes, atque majore quidem periculo, quam si illos tenerioribus adhuc annis incurrerint. Frequens equidem est querimonia de Variolarum harum, adultis contingentium, malitia, quæ an Variolis propria sit ac ex essentiali earundem indole profluat, operæ pretium est ut paulo solertius disquiramus. Quamvis enim Variolas ipsas omni culpa absolvere nolumus, fieri tamen potest, ut sinisterrimi ipsis imputati eventus potius ab alia causa, ipsis fortassis conjuncta aut cum ipsis in uno eodemque homine coexistente proficiantur. Etenim quod tale periculum non à propria Variolarum indole dependeat, ex eo clarum esse putamus, quod quantumvis Variolæ adultis valde exitiosæ pronuncientur, nihilominus haud desit numerus satis conspicuus adultiorum qui ab iisdem optime evaserunt. Ut proprias experientias taceam, liceat mihi veritatem asseritionis hujus exemplis magis illustribus mihiq; notis confirmare. Sic Variolas in Serenissimo Principe, gloriosissimæ memoriæ, D. GEORG. FRID. MARCHIONE BRANDENB. à Bavaro novennio abhinc ad Schmidilas eheu! extincto, curavit B. D. D. LOELIUS Fautor noster, dum viveret, integerrimus; quæ quidem cura tanto majore laude digna erat, cum Serenissimus ille Princeps primus fuerit, qui post. 3. aut 4. Serenissimos ejus præ-



prædecessores, à Variolis deletos, à spurcissimo hoc morbo, Potentissimæ Domui Brandenburgicæ fatali credito, ope viri supra laudati sanus salvusque evasit. Pari fortuna usus est tribus abhinc lustris & quod excurrit, Serenissimus Princeps D. FRIDERICUS GULIELMUS MARCHIO BRANDENBURG. hodie clavum regminis gerens; qui Lutetiæ Parisiorum per illustrem D. GUNDELSHEIMERUM, tunc ibidem practicum, dein Clar. TOURNEFORTII in itinere magno orientali socium, nunc S. R. M. PRUSICÆ Consiliarium Aulicum & Medicum primarium methodo nobis Germanis hætenus insueta, sed, quod ex ipsius Serenissimi ore habeo, felicissima, nempe per Vomitus, peculiari ratione, ab Excell. STAHL Prof. Hallensi celeberrimo dissertatione de Variolis exposita, sub decursu morbi ter repetitum, & morbo & periculo ereptus fuit. Quem eundem Serenissimum Principem biennio abhinc morbillis periculose decumbentem restituerunt unitis viribus Viri Excellentissimi atque Experientissimi D. D. J. MAURITIUS HOFFMANNUS, & D. D. CONR. CRAMERUS, Consiliarii ac Archiatri Onoldini celeberrimi, patroni mei colendissimi. Porro triennium est & quod excurrit, quod Serenissimus Celsissimusque PRINCEPS ELECTORALIS HANNOVERANUS, cum SERENISSIMA CONJUGE, DOMINA mea clementissima, uno eodemque temporis articulo Variolis decubuerint: Serenissimo tamen pari hoc sub auxiliis divinis partim, partim etiam medicis ab Excell. D. D. EBEL, Archiatro meritissimo, suppeditatis, optatum sanitatis portum iterum attingente, Deo sit laus & gloria! Quæ cum ita sint, patet Variolis periculum illud absolute adscribi non posse, quod adultis inferre creduntur, cum non pauci adultiorum cum illis in gratiam redire soleant. An igitur ætati imputanda venit hæc Variolis contingens pernicies? Neque vero illam directe in causa esse crediderim, cur Variolæ plerisque adultioribus male cedant; cum sub quavis ætatis periodo aliquos vim & sævitiam illarum eludere, alios vero earundem in prædam cedere experiamur. Interim non negandum est, vim earum deleteriam potius ab aliqua ætatis conditione aut qualitate, quam intrinseca Variolarum constitutione repetendam esse. Quamvis enim de pernici hac pernicie idem valeat ac de pestilentia, febribus maculosis aliisque malignis, quod uno anno præ altero, una anni tempestate præ altera, majores edat strages; non habet tamen ullum respectum ad ætatem, sed infantili, cum juvenili, virili aut senili communis existit, & in omnes homines cujuscunque sexus

aut



aut ætatis sint, nisi ab illa jam semel signati fuerint, indifferenter grassatur. Ut vero tota res hæc in clariore luce collocetur, necesse est, ut mores, ordinem, progressum, uno verbo, *historiam* Variolarum adultis periculosarum vel prorsus funestarum, qua fieri potest diligentia & exactitudine recenseamus, ac an ordinariis, sequiori ætati obvenientibus Variolis similes sint, an vero alio habitu incedant, ac peculiare legitimæque morbi naturæ insolitum quid exhibeant, solertius dispiciamus.

Quod ergo invasionem attinet, fit illa post prægressam lassitudinem ἐλαΐσθη & dolores dorsi, interdum cum horrore, adeo ut aliarum febrium acutarum more ἐπισημασίαν forment; medentesque sub vultu ac specie simplicis acutæ, vel continuæ fallant, ac ad medicinas vel calidiores vel oppositas refrigerantes, morbo huic perniciosissimas, cogant. Communius vero sine horrore cum tanto statim æstu incipiunt, qui consuetum alias in Variolis gradum maximopere superat, doloreque capitis multo intensiori, quam alias solet, stipatus est, maximamque sitim, horrendam inquietudinem, vigilias perpetuas, anxietatem gravissimam efficit, symptomata apud tenerioris ætatis homunciones vix reperiunda; tali intelligo gradu, quo apud vetustiores conspiciuntur. Etenim tenendum omni modo, quod Variolosa febris mitis sit in suo genere lenisque, ac sicubi fortior occurrat, à speciali subjecti dispositione, quæ speciei Variolarum plane accidentalis est, exacerbari censenda sit. Apud antiquiores vero aliam exhibet faciem, cum statim à principio fortis sit, & tali tenore talique gradu vegeto activoque ad finem vel morbi vel vitæ usque æqualiter pergat. Unde sæpissime statim ab initio deliria junguntur, vel apud magis phlegmaticos stupores & ἀνασθησίαν, sopores, comata, ut perpetuo ἀνάσθητοι jaceant, quæsitique quid doleat, se non æque dolorem quam capitis gravitatem ac perturbationem sentire, respondeant. Sub his omnibus pulsus est celer, frequens, neque parvus aut depressus, ut in Variolis, sed magnus, plenus, interdum tamen inæqualis; Urina rutilans, ἐρυθρὰ, cruda vel prorsus λευκὴ aquea, tenuis, vel ad minimum spicea, imo prorsus naturali similis. Habitus corporis, alias lenissimo madore perfusus ac perspirabilis, hic siccissimus squalidusque est, adeo ut facilius è pumice aquam, quam ex hac corporis superficie guttulam extorquere possis. Aliquibus tamen larga sudoris copia prorumpit, præcipue post 4. aut 7. diem, quæ tantum abest ut morbo utilitatem afferat, ut potius, annotante SYDENHAMO



de M. Ac. S. III. cap. II. &c. in culpa sit, quod tumor, ad elevandas pustulas adeo requisitus & in interstitiis earundem conspicuus, subsideat, etiamsi maximus, & à concitata dolorificaque inflammatione productus fuerit. Inter hæc omnia pustulæ vel præcociter die. 1. 2. vel serius 5. demum aut 6. confertim prorumpunt; prorumpunt inquam, non prorsus erumpunt, sed vix summos apices exporrigunt, aut si effloruerint, mox iterum subsident, complanantur, deprimuntur, vacillant & ad interiora relabuntur: confluunt præterea & magis in latum expanduntur, quam in laudabilia fastigia elevantur, nigramque non raro maculam nanciscuntur. Quod cum fit, interstitia inter illas alias intumescencia subsident, alias rubentia & colorem rosarum damascenarum exhibentia pallent. Hinc vero magna exoritur calamitas. Febris, quæ sub regulari Variolarum decursu desinere vel saltem remittere solet, hic jugi gradu, jugique vehementia perennat, aut sicubi tantisper remittere videtur, instabilia tamen hic, incerta ac inconstantia sunt omnia. Materia enim Variolosa una cum sanguine supremam corporis arcem, caput puto, petente, deliria cooriuntur ægris ac medentibus omnem spem convalescentiæ adimentia; cum illi debitam ac maximopere necessariam corporis continentiam non servant, crebrisque corporis motitationibus, fibrarumque muscularium stricturis tranquillæ materiæ peccantis ad exteriora propulsioni obsistant; hi vero tristibus oculis spectare necesse habent, quomodo apud alios auditus obturbationes, sonitus, strepitus, oculorum rubores ac fulgores (quales in scæmina 33. annorum cernere licuit) splendores, obfuscationes, caligines cum κατὰ ψύξεσι extremorum, præcipue pedum, gravibus angustis & anxietatibus præcordiorum, respiratione difficili, frequenti, hæmorrhagiæ vel nimix & vix compescibiles, vel parciore, σάξεις καὶ ἐπισάξεις, HIPPOCRATI adeo exitiosæ, quin phrenitides, angina, aphthæ, apud alios vero affectus soporosi coorian- tur; ultimo vero vel apoplexia vel suffocatio, imprimis suppressa salivatione illa, adultis præ infantibus familiariore, apud nos tamen quam apud Anglos infrequentiore, vel etiam, post prægressos tremores & pavores, convulsiones scenam hanc simulque ultima lumina claudant. Hic vero tragicus rerum exitus hæcque φαινόμενα familiarius occurrunt apud adultos floridos, habitu corporis Spongioso, molli laxoque, aut temperamento, quod vocant, sanguineo vel puro, vel cum aliis præcipue phlegmatico remixto &



ubivis prædominante, præditos, animi indolem vegetiorem, hilarem, expeditam, sed trepidam, meticulosam, imbecillem exhibentes, cæterum plethoricos, hoc est, sanguinem vel nimium vel per acres corporis agitationes, venationem, saltationem aut similia exercitia, quin per interius in corpus assumpta, aromata, vina calidiora in copia hausta &c. commotum possidentes. Tales enim talisque constitutionis homines in Variolis plurimo periculo esse expositos, vel plebi hodiernum notissimum existit. Solent quidem interdum adhuc aliam faciem induere, cum vel sub principio vel etiam decursu, vomitus irresistibiles, imo nigros, excitant, alvum commovent, & ad exitialem, præcipue sub eruptionis tempus, fluxum, cum maximis torminibus conjunctum, disponunt, vel plane choleram efficiunt, qua graveolentia, biliosa, imo nigricantia sursum deorsum rejiciuntur, refrigerato interim externo corporis habitu, & subsidente tumore in pallida corporis peripheria, pustulisque recedentibus, sicubi eruperint, vel vix erumpentibus illis, & summa cacumina exporrigentibus, cum virium lapsu, deliquiis &c. Sed cum hoc Schema non adeo frequens sit ac prius explicatum, præterea etiam magis causam externam agnoscat, non vero à patientis propria interna constitutione dependeat, tantisper potiores partes antecedenti classi tribuendas esse arbitramur. Sicut revera potior, nempe frequentior, est adhuc alio schemate: dum scilicet patientes statim ab initio summam virium debilitatem ac fatigationem, sine ulla manifesta causa, incurrunt, cum pulsu celeri, frequenti, parvo, debili; appetitum prorsus prostratum habent, & perpetuis vigiliis exeruciantur, præter proportionem æstus, dolorum, aliarumque circumstantiarum, Variolis legitimis solennium; cum vix calere, vix sitire cernantur, sed debilissimi vixque manum movere compotes, & ἀνάρητοι jaceant; pustulae vero hæc inter vel tardius vel insuffICIENTER ejiciantur, mox iterum collabuntur, subsideant, pallente tota corporis peripheria aut heterogeneis exanthematibus, maculis videlicet vel purpura vel petechiis, obsita: A qua retrocessione diarrhoea torminosa cooritur, virium dejectionem in momenta augens, usque dum patientes vel totali virium consumptione vel aliis symptomatibus exhausti, ἀπὸ μηχανῆς supervenientibus phrenitidibus, anginis, aliisque inflammationibus, supremum diem obeant. Talis enim species taleque schema à Variolarum ipsarum *Malignitate* directe pendet, nullumque



que respectum habet five ad ætatem five ad temperamentum, five ad individua-lem cujusque constitutionem, & vel certæ constitutionis influxui, vel peculiari contagio adscribenda est; unde nostræ tractationis objectum haud existit. Descripsimus hæc Schema illud Variolarum adultis hominibus vel periculum vel plane exitium causari solitarum, speramusque hanc à nobis traditam descriptionem ad stateram praxeos clinicæ examinatam ingenuam legibusque veritatis amicæ conformem esse. Quod si jam principalis nostræ quæstionis memores hanc à nobis depictam earundem faciem paulo attentius intueamur, mox se nobis sistunt symptomata, quæ Variolis per se minime essentialiter competunt. Sunt autem illa vel augmentum insolitum Variolis essentialium ac pathognomonicarum circumstantiarum vel plane nova & inconsueta progenies.

Ita occurrit quidem in Variolis alias æstus, sed multo intolerabilior, multo vehementior, multo diuturnior, cum majore siti, angustia, dolore capitis, cutis vel siccitate, vel profusis sudoribus comitatus, si natu grandem prehenderint. Neque deliriorum plane cassæ sunt Variolæ tenerioribus insidias facientes, sed manent illa deliria adhuc intra simplicium leviorumque mentis motionum cancellos, nec in phrenesin, ut in adultis, vel in soporosos affectus transformantur. Stillant sæpissime nares, idque largiter, pueris puellisque; cujus rei exempla habui biennio abhinc in duobus pueris, uno 7. altero 10. annorum, quorum ille 4. hic 7. Variolarum die intra dimidium horæ spatium sanguinis floridi fere 3x. profuderunt, sine ulla inde sequuta noxa. Sed sunt hæc juvenibus obtingentes hæmorrhagiæ tum ob tempestivitatē, utpote sub initium aut incrementum morbi ut plurimum obtingentes, tum ob moderationem (nam rarissime tam immoderatae sunt ut in supra memoratis casibus) & quod plerumque sponte cessent, melioris fidei & commendabiliore. Quod de profusionibus adultiorum non valet, quæ vel nimis sero accidunt, sub vigore scil. & ἀκμῇ morbi, vel spissiore existente sanguine, per vias angustiores prorumpere nequeunt, hinc illo in terrimis locis stagnante acrique Variolarum materia imbuto, inflammationum, corruptionum auctores evadunt. Pustulæ hic æque ac si regulariter res procedat emerguntur, sed instabiles sunt, titubant, ac retrocedunt, pallida, sicca, squalida contracta evadente corporis superficie, quæ rubicunda, uvida, humida, perspirabilis, turgida esse deberet. Febris in



Variolis talibus non deest, sed plane alios mores, alium typum, alium ordinem ac periodum præ se fert. Apud teneriores enim plerumque 4. die cessat, & si res bene procedat, per totum decursum vix leviter augetur: præterea ad continuæ simplicioris similitudinem accedit, dum communiter circa horas matutinas paulisper remittit, vesperi vero intenditur, juxta SYDENHAMII observationem loco super. citato. Unde vulgi expressio, *Der patient werde auf den Abend fräncker/ oder es verändere sich so mit ihm.* Hic vero jugiter & æqualiter perennat, quod vulgus exprimit, *Der patient lige in einer gleichen Hitze weg oder fort &c.* et nonnisi vel 7mo, vel post illum finitur: vel si intensiones & remissiones format, sunt tamen illæ minus statæ, sed vagæ, incertæ, instabiles. Udore seu levissimo madore in Variolis juniorum superficies corporis imbuitur: fit vero non raro ut provectioris ætatis ægrotantes ad diffusos sudores propendeant.

Ex quibus elucescere speramus plura hic visenda symptomata peregrina nulloque jure aut veritatis specie Variolis qua Variolis adscribi posse. (1.) enim ( ut rem hanc recapitulatione dignissimam adhuc semel repetamus, & in suas quasi classes digeramus ) toto *genere* alienus est Variolis TYPUS ille, seu modus motus continens, patientem scilicet non dimittens, seu nihil remittens, sed jugi gradu, æquali tenore pergens, aut, siquidem remissionem exhibere videatur, nullam tamen statam, ordinatam, æqualem, sed inconstantem, turbulentam formans. (2.) *Specie* aliena est directio illa motus sanguinis particularis, excretiones scilicet supra memoratæ vel *criticæ* vel *critico modo*, *critica mensura*, *critico tempore* evenientes, hæmorrhagicæ, inquam, vel sudatoriæ. (3.) Unde plane novus apparatus instrumentalis consurgit, in Variolis teneriorum plerumque inauditus, dum pro perpetranda hæmorrhagia critica sanguis ad caput congeritur, pro perficiendo sudore intensius localiter circumagitur. Pro quo utroque scopo, varii tum solidorum tum fluidorum motus necessarii sunt, qui plane aliud schema aliaque *φαινόμενα* sistunt, quam alias conspici licet; Varias videlicet partium solidarum stricture motusque Tonici directiones particulares, refrigeria, pallores, dolores; fluidarum vero vel particulares congestiones, compressiones, vel vehementes agitationes, duplicatis, quin triplicatis pulsus impulsibus peragendas; resolutiones, excretiones. &c. Qui apparatus tales critico tempore,



re, criticaque mensura evenientes hæmorrhagias aut saltim molimina earundem præcurrens aut comitans, si paulo solertius consideretur, verum quoque complexum omnium signorum criticorum aut crisin molientium exhibet. Equidem videbuntur aliquibus hæc nobis sic dicta *molimina* & conamina *critica* minus verosimilia, sed præter illud, quod jam pluribus practicis, etiam ipsi HIPPOCRATI prænotion. §. VI. sanguinem ad caput *repere* dicenti, & sanguinis eruptiones expectare jubenti, ( ut alia loca ubi eandem *expectationem* præcipit, brevitatis ergo omittam, ) talia molimina perspecta fuerint; ea nobis verosimilia reddidere (1.) locus in quo superius memorata symptomata cernuntur, caput nempe & confinia, (2.) tempus, quo se exserunt, dies nempe 4. vel 7. (3.) complexus symptomatum generalis, (4.) relatio quam ad crisin seu ἐκκρίσιν hæmorrhagicam habent manifesta, cum, siquidem illius potita sint, cessent, impedita vero pessimis consequentiis viam sternant; haud vero aliis, quam quæ alias crises frustratas excipiunt. Unde (5.) consuetudina rerum harum infelicius cedentium suspecta sunt, phrenetica, anginodes, aut alia inflammatoria interna.

Circumspicientibus autem nobis cui affectuum generi, præcipue è *Februm* classe, hæc peregrinæ & à propria Variolarum indole alienæ circumstantiæ similes appareant, occurrit nobis *Febris sanguinea*, *continens*, *synochos* antiquis dicta. Quid si hæc febris species cum Variolis forte *complicetur*, *conjugatur*, adeoque *compositum*, obque diversos mores, typos, intentiones subcontrarium *schema* constituat, contrarii hujus & heteroclitici eventus auctorem? Certus sum quod plures me non statim intellecturi sint. Sed spero neminem practicorum compositionem & complicationem febrium diversarum specierum laturum esse. Equidem de morbis complicatis multus est in foro medico sermo; paucus de febribus compositis; nisi quod veteres sub nomine putridarum tum synochorum tum intermittentium, tum hecticarum tales agnoverint; paucissimus de acutarum complicationibus inter se ipsas, nempe contagiosarum, pestilentialium, petechialium, variolosarum, morbilliosarum, purpuratarum, miliarium, cum sanguinea stricte sic dicta, seu continente veterum, cum biliosis tam καυσώδεσι quam ἐρυσιπελατώδεσι, catarrhalibus, inflammatoriis & vicissim. Nihilominus hæc, quamvis contra-



ria & pugnans mixtura in praxi frequenter occurrit, sæpeque funesti eventus causa est, quam in nescio quibus speculationibus quarimus. Et foret hæc materia digna, quæ à Viris practicis, ad hoc negotium idoneis, paulo solertius pervestigetur ac observationibus liquidis illustretur. Talis enim mixtura, nisi me omnia fallunt, periculi aut calamitatis à Variolis vetustioribus expectandæ, fundamentum est, mixtura inquam & compositio è duabus febribus, continente ac variolosa. Equidem non negandum est, quod febris continens stricte sic dicta, a pura puta quantitate sanguinis nimia coorta, apud nos sub crassiore æthere natos, ac sanguinem spissiores habentes, minusque purum, rarior sit quam apud Græcos, Italos; adeoque puro schemate rarius visenda ac tractanda occurrat. Interim quod raro fit inter impossibilia referri non decet. Et exhibentur sane medentibus febres ab initiis simplicissime plethoricis pullulantes, quæ nisi itidem per alius typi, qualitati sanguinis potius spissiori, quam sexcentis istis saporibus respondentis, miscelam deturparentur, etiam simplicius schema continens præ se ferrent. Ita ipsemet aliquos tractandos habui tales & inter illos Centurionem, qui febrem talem à crapula & continuatis seram in noctem computationibus vinique adusti largissimis ingurgitationibus incurrit a primo die ad 4. jugiter æquali vehementia affligentem, nihilque prorsus remittentem, nisi die nominato, quo hæmorrhagia narium largissima solvebatur. Non poteram non hanc febrem ad continentem referre, præcipue cum BAGLIVUM L.II. Prax. Med. Cap. XII. §. II. parem typum sub eadem classe collocare viderim. Scio quod aliqui ephemeram plurium dierum velint, sed scio etiam hanc ephemeram extensam aliam præter synochon haud esse. Hoc vero mense, quo hæc exarare suscipio, curavi adolescentulum 15. annorum, qui perfecta tali febre sanguinea laboravit, ipso 7. die hæmorrhagia narium largissima, parentibusque terribiliore visa ac mihi, soluta; ad stuporem simul ac sanguis effluxit, cessantibus delirio, æstu, siti, cæterisque symptomatibus. Etsi vero sanguinea seu continens febris sub proprio habitu rarius deprehendatur, quid vetat quo minus sub aliarum febrium larva & comitatu, compositoque tantisper typo incedat. Sane ego omnes febres continuas *αλόγως* & præter morem alias consuetum æstuantem, hac mixtura depravatas esse, persuasissimus sum, vel hac sola ratione inductus, quod



Quod tum in malignis tum in intermittentibus plethorici & sanguine fortiolem diuturnioremque æstum pati necesse habeant quam aliorum temperamentorum creaturæ. Est autem exquisitioris SANGUINEÆ febris à simplici sanguinis abundantia aut turgefactorio orgasmo coortæ tale schema. Incipit cum magno calore, pulsu celeri, frequenti, magno, pleno, urina rubra, flammæ, cruda, nullum secretionis indicium præbente, cephalalgia gravativa, tensiva, inflativa, pulsatili, faciei rubedine, vasorum in temporibus excurrentium inflatione, inquietudine, cutis siccitate, squalore: die 4. aut potius 7. erumpente hæmorrhagia larga aut sudore finitur; aut, siquidem funestius cedat, fit *μετάστας* vel *μεταπίπλωσις* in phrenitidem, anginam, anxietates graves, hæmorrhagias excessivas, funestas, vel nonnisi summo labore cohibendas, & licet ægri convalescant, cachectica tamen, hydropica, hectica, ad minimum hypochondriaca, consuetaria relinquentes: interdum etiam degenerat in inflammationes internas, quocum eventu quivis facile dispiciet. Causa materialis hujus febris est sanguis abundans per quamcunque occasionem externam fortius commotus ac turgefactus, in subjectis floridis, vegetis, sanguineis. Hunc NATURA, morborum medicatrix, expellere & evacuare suscipit vel simplicius & immediate per sinceram emissionem, nempe hæmorrhagiam narium, idque in subjectis trigesimum annum non supergressis, vel mediate, resolutum in serum atque per sudorem criticum, die critico, nempe 7. diffusum. Hæmorrhagiæ, uti cuiusvis pathologiæ gnaro perspectum erit, sine partium restrictionibus & specialissimis directionibus fieri nequeunt. Contrahuntur igitur omnes inferiores partes solidæ, quo minus sanguinis in illas admittatur, tanto plus vero ad caput redundet, hydraulico mechanismo; continuataque pressione à narium venis exprimitur: prout hanc hæmorrhagiarum ætiologiam pluribus deduxit Excell. D. D. STAHL Theor. Med. sect. I. Membr. I. Testes talis partium constrictionis sunt (1.) siccitas peripheriæ corporis, nonnisi contractioni fibrarum musculosarum & coarctationi pororum cutis excretoriorum adscribenda; (2.) frigus extremorum à pari repressione sanguinis ad interiora dependens; (3.) Urinæ tenuitas, à sola constrictione subtilissimorum in renibus pororum colatoriorum proficiens; (4.) alvi adstrictio, à fortissima illa contentione & directione motus solidorum Tonici ad superiora proveniens; (5.) hypochon-



pochochondriorum dolor, pari causæ attribuendus; (6.) rubor faciei, oculorum, dolor capitis cum aliis symptomatibus, sublato æquilibrîi motus Tonici solidorum & progressivi fluidorum indicibus. Sudoris vero materia uti nulla est alia quam serum excrementitium in quod sanguis laudabilis continuata circulatione tandem fatiscit, diffilientibus per tot collisiones motus intestini atque attritus ad rigidas fibrarum parietes, sub transpressione perpetua per partes, principiis illius constitutivis; ita propellitur etiam vehementius per partes solidas, ut attenuatus in serum tale excrementitium resolvatur.

Quod si jam nimii & abundantis sanguinis portio aliqua breviori temporis spatio in tale serum resolvenda sit, intensioribus & duplicatis, imo triplicatis pulsus impulsibus vividioresque sanguinis circumpressione opus erit, ad mixtionem ejus disturbendam. Contingit vero utrumque in hac febris specie. Contrahuntur videlicet non solum solida ac fortius moventur, sed etiam fluida celerius circumpelluntur, imo ad specialia emunctoria diriguntur: Sanguis nempe purus ad nares, resolutus vero in serum ad ambitum corporis, ut ibidem sub sudoris forma simul semelque emittatur, tempore ac die statò prorsus & determinato. Posset hæc res pluribus deduci sed præsens opellæ ratio prolixitatem haud permittit.

VARIOLARUM contra, per se spectatarum, plane diversa, imo opposita ratio est, quod ex illarum expositione pathologica elucescet. Adest in illis materia, seu in corpore subnata seu per contagium in illud immissa, tenuis, halitus forma communicari, per nullum vero aliud corporis emunctorium quam per peripheriam tuto ac secure eliminari apta; præterea fermentativa seu similem corruptelæ speciem, similemque subtilissimi motus putrefactorio-dissolutorii gradum sanguinis principiis affricare idonea, proinde sui multiplicativa & in corpore non toleranda. Hanc NATURA, *ἐμαρτῆσα τὰ δέοντα ποιεῖσα*, e corpore ejicit ac exterminat, temporis mensura statata ac proportionata & per vias convenientissimas, superficiem scilicet corporis, tanquam portam amplissime patentem talemque locum, in quo a visceribus internis nobilissimis remota sensim sensimque vel prorsus avolet, vel saltem speciali ope inflammatorio-suppuratoria ita alteretur ac immutetur, ne corpori præsentaneum amplius periculum asferre possit. Et



Concurrere jam cum hisce Variolis apud adultiores febrem continentem verosimillimum reddunt (1.) paritas *subjectorum*, cum nonnisi sanguinei aut de sanguineo temperamento participantes, præterea vel notabiliter vel occulto plethorici tam periculosas patiantur manes: (2.) Exquisita *typi* convenientia tum ( $\alpha$ ) quoad periodum, durationem, aliaque accidentia, tum præcipue ( $\beta$ ) quoad excretionem, in qua naturam febris ponere audemus. Tantum enim abest ut febris talis vel desinat post Variolarum eruptionem vel remittat, ut potius jugi gradu perennet, suumque decursum ad 11. vel 14. usque absolvat. Quæ perpetuantis *typi* indoles certe à nulla alia nisi admixtæ febris synochæ ratione derivari potest. Præterea (3.) tendunt omnes in talismodi Variolis motus & tentamina ad excretionem sive sudorificas sive hæmorrhagicas, quod ex convenientia symptomatum, tum præcedentium, tum concomitantium, tum subsequen-  
tium patescit. Uti enim in hæmorrhagiis criticis familiares sunt *καταψύξεις* inferiorum, hypochondria dolent, alvus obstipatur, cutis densatur, sudor imminuitur cum ipsa insensibili transpiratione, urina pallida fit, aquea, decolor, vasa per aut subter cutem excurrentia, alias maxime conspicua, evanescunt, facies contra inflatur, venæ in temporibus & oculis distenduntur, arteriæ pulsant, caput dolet, pressio circa radicem narium sentitur, mens turbatur, delirat, aures obsurdescunt, oculi caligant ac splendentia cernunt hincque inde vagantia objecta: ita etiam in talibus Variolis idem schema hæmorrhagicum criticum vel intentatum vel plane etiam perfectum occurrit, dum sanguis interdum tanto impetu pro-  
filire cernitur, ut vel plane non vel vix cohiberi possit. Omnia vero talis hæmorrhagiæ indicia ac molimina per totum Variolarum talium decursum præludentia inveniuntur; prout ex supra exposita historia practica dispalescet. Et quemadmodum ad sudorem efficiendum sanguis adhuc purus in serum resolvi, hoc vero ut obtineatur maxima circulationis intensio, pulsu celeri frequentique perficienda, circumagi necesse habet: ita in Variolis hujusmodi pulsus etiam præter consuetum morem maxime intensus, magnus ac plenus existit, sanguis rapidior movetur, excretio cutanea tranquilla vel prorsus differtur maximo cum periculo, vel sudor copiosus, colliquativus concitatur, transpirationi insensibili ac per ipsam perpetrandæ secretioni variolosæ, secundum SANCTORII & LISTERI, de



*Medicina statica cum commentariis*, prudentissima monita gravissimum obvertens impedimentum. Ut phrenitides, anginas, pleuritides aliasque internas inflammationes taceam, huic composito schemati male exeunti vestigia legentes.

Quodsi jam utrosque affectus inter se comparemus, mirum est quanta contrarietas inter illos inveniatur. Habent enim (1.) valde differentia *subjecta*; *continens* videlicet purum sanguinem, *variola* vero materiam fermentativam, *ποσθην*, in sanguine contentam, & per totam ejus massam dispersam; illa crassum corpus, hæc tenuissimum & per se halituosum, ad cutim vero propulsum, ibique obhærescens, nonnisi speciali *mechanica* ratione, ope inflammationis & cum aliis innocentibus materiis commixtionis, in puris crassioris formam & schema deducendum. Maxime vero (2.) contraria est utrorumque *forma*: *continens* enim sanguinem ad interiora constringit, & ad unum specialissimum locum congerit; cum in *Variolis* liber esse debeat sanguinis ad & per omnes corporis partes progressus, liberrimus vero ad superficiem corporis, teste rubore interstiorum inter Variolas conspicuorum, boni vel mali exitus absoluto indice. Hæ igitur contrariæ sanguinis tendentiæ, in *continente* ad interiora in *Variolis* ab interioribus ad exteriora quid aliud quam fatalem antipraxiam parturire debent, si in uno eodemque subjecto concurrant. Præpeditur hoc modo materia variolosa in sui secretionem & excretionem, imo quomodocunque sequestrata ad interiora retropellitur, cum sanguine nobilissima viscera alluit, inibique inflammationes ac fiderationes parit, mortis sequuturæ fideles prodromos. (3.) Et cum ad bonum variolarum exitum absolute requiratur, ut quamvis non præmature, tempestive tamen & ad minimum die 4. ejiciantur, si per febris continentis complicatæ rationem secretio demum remotiore, critico, præstanda, adeoque materia variolosa si non omnis, plurima tamen, intus in sanguine retinenda sit, quid aliud quam concitata hoc modo corruptio tum humorum tum partium expectanda venit? Et hanc quidem diversam temporis mensuram, utrique huic diverso febrium typo solennem, in causa esse crediderim, quod Variolæ apud adultos plethoricos vel difficulter exeant, vel iterum relabantur & se intra corporis latebras recipiant. (4.) Accedit quod Secretio materiæ Variolosæ, siquidem felicius cedere debet,

lenis



lenis esse debeat lenissimaque circulationis sanguinis intensione peragenda sit, sicut hoc Dom. HAMILTONUS passim in erudito opere *de Febre miliari* monuit. Quemadmodum vero turbulentiores *continentis* mores & rapidior sanguinis circulus hanc secretionis Variolosæ tranquillitatem multis modis pervertunt: Ita non mirum est, si infida hinc evacuatio, instabilis & inconstans eveniat. (5.) Crisis in *continente* simul & semel intenditur vel quarto vel potissimum 7. die, & quidem magna vel sanguinis vel sudoris profusione. Etenim, juxta practicorum regulam, nihil paucum criticum, & tum *σάξίς* sanguinis tum *ἐπίδρωσις* nonnisi exitium portendunt. *Variolæ* è contra non confertim, ast successivè à die nempe quarto ad septimum emoveri amant, & plerumque periculosæ sunt, sicubi simul & semel protrudantur. (6.) *Continens* sudore judicatur, *Variolis* vero tantum abest ut sudor conducatur, ut potius noxius sit & pessimorum eventuum ferax; (α) enim sudore serum, ad peripheriam leni transpiratione propulsum, tumoremque, felicissimi exitus criterium, produçens, evacuatur, sicque ambitus corporis subsidere, variolæ vero collabi coguntur; (β) ablatis serosis, aqueis, diluentibus portionibus sanguis inspissatur, in progressivo suo motu impeditur, stasibus proin, incarcerationibus, ac inflammationibus aptus redditur.

Quod si nunc duæ hæ febres, diversi, quin oppositi, typi in uno eodemque morbo *complicentur*, quarum altera sanguinem simplicioreminminuere & vel per hæmorrhagiam narium, vel attenuatum inque serum dissolutum evacuare, altera vero eundem ab heterogeneis fermentativis particulis depurare intendit; & ut scopum suum attingant, illa crassissimos motus vel congestorios Tonicos, vel pulsorios, fortes, præcipientes, simultaneos; hæc vero lenes, successivos, secretorios, excretorios adhibet; illa ab extra introrsum, hæc ab intra extrorsum tendit, quid aliud quam maxima motuum anomalia & fatalis antiperistasis concitari potest.

Est proinde fundamentum majoris periculi quod adultioribus à *Variolis* impendet, COMPLICATIO & CONJUNCTIO contrariarum febris specierum, *Variolosæ* scilicet, per se sibi que relictæ, lenioris, & *continentis*, impetuosioris, vividioris ac turbulentioris; quarum illa *materiam* seu *subjectum* suum (α) per corporis superficiem, (β) mature, (γ)



leniter emovere satagit; hæc vero ( $\alpha$ .) per narium hæmorrhagias, immediate è systemate vasorum perficiendas, vel per sudorem, ( $\beta$ .) sero, dieque critico, ( $\gamma$ .) impetuose, fortiter, simultaneo excernere laborat.

*Mediata* vero talis periculi causa PLETHORA existit; cujus existentiam præter totius antiquitatis consensum, plurimi recentiorum, quantumvis etiam corpusculari Philosophiæ addictorum, præter hos vero Exc. D. STAHL. *Theor. Medic. Path.* pag. 55. &c. tam Solidis argumentis stabiliverunt, ut nos hoc labore securi supersedere possimus. Propior tamen ac *specialior* in ordine causa est hujus commotio, causis externis vitæque regimini adutorum adscribenda.

Cæterum nemini mirum esse debet, quod *Malignitatis* talium *Variolarum*, quam hodie omnes in ore habent, nullam fecerimus mentionem. Admittimus eam siquidem de MOTIBUS anomalis, quibus *materia variolosa* tractatur intelligatur. Tali enim modo tantum abest ut *materia Variolarum* putrefactiva, mixtionique animali interitum minans coerceatur, ut potius ab ipsa NATURA erronee hic agente, sui que minus compote, in latifundium humorum retropellatur, sicque diffusæ ac præcipiti corruptioni fomitem subministret. *Materiæ* vero differentiam insignem, & non potius gradualem aut peculiari certæ constitutionis influxui adscribendam, quam ab ipsa illius natura pendentem, deprehendere nequimus. Quamvis negare nolumus, apud adultos per varias occasiones externas, præcipue vero per assumpta acria, acida, biliosa, ipsi huic in sanguine delitescenti veneno fomitem quendam suppeditari, qui tum exasperandis tum pervertendis variolis inserviat; potissimumque *alterius* illius *schematis*, supra à nobis delineati, fons & origo existat. Biliosam intelligimus aut qualemcunque saburram, in primis viis coacervatam, vomitibus, diarrhoeis occasionem præbentem. Quæ quidem symptomata peculiari *complicationi biliosarum februm, lipyriarum* aut aliarum *inflammatoriarum* attribuenda esse, nullus dubito. *Tertii* vero *schematis* supra sub historia Variolarum diagnostica memorati causa utique est *malignitas materiæ*, tanta nempe ipsius tenuitas, quæ omnes poros secretorios subterfugit, aut secreta in sanguinem iterum remeat: proinde *vix* aut *difficulter coercibilis* est: in sanguine vero sic relicta gravissimas præcipites corruptiones, fermentationes putredinosas, & totius mixtionis animalis repentinas dissolutiones



tiones concitat: *Motuum* vero vitalium secretiorum & excretiorum, sicut in omnibus febribus ita etiam in Variolosis, licet extraordinario, utiliter tamen & proportionate intensorum, anomalias, confusiones, & ipsius principii moventis magis patheticas, h. e. terrificas, trepidabundas, tergiversantes, aut imperuosas, eluctatorias, furibundas alterationes, pro animi variantibus moribus ac constitutionibus efficit, &c.

Si vero, uti hactenus latius exposuimus, *plethora* apud adultos unicus fons est, e quo omnia periculosa in Variolis, siquidem ipsis obtingunt, symptomata profluere arbitramur, quæri possit cur hæc pessima conditio natu minoribus non æque perniciosa sit ac vetustioribus. Respondemus autem, quod quamvis infantibus ac pueris, præsertim *παχυτάτοις* *plethoram* denegare non audeamus, hæc tamen apud illos simplex occurrat, non commota. Etenim probe tenendum est, quod, uti ad plurimos spasticos ita etiam ad febriles motus disponat *plethora*, non sibi relicta, non tranquilla, non otiosa, sed commota, turgescita & in maximos orgasmos coniecta. Talis teneriori ætati incognita est, utpote simplici viæque generi adstrictæ. Deinde etiam si teneriores sæpissime in Variolis hæmorrhagiis corripiantur: eveniunt tamen illæ in principio, præterea ut plurimum moderate, & sine reliquorum motuum secretiorum præjudicio. Et quamvis etiam, quod in constitutione epidemica biennio abhinc hic locorum grassante plus simplici vice vidimus, quamvis, inquam, narium hæmorrhagiæ 4. 7. 9. die, imò etiam interdum, nulla observata temporis mensura, intercalaribus obtingant, sunt tamen illæ minus criticæ, sed ab alia quam febrili causa proficiscentes, aut siquidem *Typi continentis* cum *variolis complicati* productum fuerint, est hæc talis continens febris, lenior & ab omni violenta commotione aliena, qualem apud teneriorem ætatem tum sub puro & simplici suo schemate, tum sub composito ac cum aliis febribus complicato habitu dari cuilibet practicorum erit perspectum.

Exposita igitur ratione, secundum nostrum conceptum verosimilima, periculi à *Variolis adultis* imminentis, reliquum est ut media & auxilia quibus illud *declinari* possit brevissimis indicemus. Et quidem cum *plethoram* pro solenni instrumento habeamus, quo regularis & tranquillæ Variolarum decursus pervertatur, nihil melius & convenientius



tius videri possit quam *venesection*, qua portio quædam sanguinis superflui emittatur, Naturæ intentioni satisfiat, eaque à pernicioso proposito sanguinem imminuendi abstrahatur. Sed si dicendum quod res est, aliam in pectore fovemus sententiam, & V. S. nobis multis nominibus haud arridet. (1.) enim certum est, quod, uti nulla febris maligna ita etiam Variolæ V. S. directe & sive ex *materiæ* sive ex *motus* sui essentiali ratione non exposcant; siquidem vero in aliquibus subjectis ea interdum requiri videatur, illud magis individuali dispositioni v. g. plethoræ intensissimo gradu conspicuæ aut per graves causas externas turgescitæ, adscribi mereatur, non autem ad totum horum morborum genus temere extendendum sit. (2.) Deinde notæ sunt in pure & exquisitè malignis contagiosisque circa V. S. administrationem trepidationes, unde vero natæ nisi ex praxi, quæ æquivocum V. S. in hujusmodi casibus effectum plus vice simplici percepit; sicut rem hanc pluribus deduxit Exc. STAHL *dissert. de V. S. in acutis*. (3.) Tantum abest ut Naturæ satisfiat, quin in tenaci proposito sanguinem *critice* imminuendi per V. S. confirmetur & ad perficiendas evacuationes hæmorrhagicas quasi manuducatur. Habeo ego hoc non ex una sed repetitis, attentis, observationibus & diligentissima circa rem hanc consideratione, quod in acutis tum primariis tum secundariis febribus post institutam V. S. quantumvis largam, nihilominus postea hæmorrhagiæ vel molimina & symptomata hæmagogica coriantur. (4.) Communiter succedit in talismodi exanthematibus V. S. ioni constrictoria habitus corporis subsidentia, qua cohibitis poris transpiratoriis, materia corruptiva, quæ excerni debet, intra corpus detinetur, juxta prudentissimum monitum Exc. D. STAHLII *disp. de V. S. in pede Th. XXXV*. Hinc accusatio illa V. S. in acutis, quod à circumferentia ad centrum trahat, *mechanico-hydranlica* ratione, sublatis scil. æquilibrii inter impulsus fluidorum & pressionem seu resistantiam solidorum, haud destituitur.

Equidem videtur V. S. secundum nostras deductiones si non utilis ad minimum tamen *innoxia* esse; sed præter illa quæ modo opposuimus, (1.) *contraindicatur* à comite Febris *sanguineæ*, nempe Variolis, quæ tantum abest ut ex propria sua constitutione V. S. poscant, ut potius illi quovis modo refragentur. (2.) in ipsis continentibus nisi in principio & ante signa coctionis administrata plerumque inutilis est; (3.) aliud est Sche-



ma continentis simplex, aliud vero *complicatum*. In illo V. S. non spernenda est, in hoc eundem usum ac in priore haud præstat. Interim, cum utique, si ultro citroque rem perpendimus, plethora maximum incommodum afferre soleat, præterea gradus plethoræ varient, unumque subjectum præ altero sensibilius ac evacuationum sanguinis tum artificialium tum spontaneorum magis consuetum sit, statuimus nos firmam & infallibilem regulam absolutè dari non posse, ubi sincera sanguinis missione directe & absolute opus sit vel secus, hocque totum negotium prudentiæ medicæ, uti hoc in passu circa individuales casus versanti ita etiam specialissimis observationibus ac cautelis innitenti, relinquendum, illud tamen sive V. S. instituatur sive minus omni modo considerandum & memori mentetenendum esse, quod sanguinis missio non æque propter Variolas per se spectatas, sed propter plethoræ enormis concursum, locum inveniat. Et quidem quod *plethoram eminentem*, evidentem & *excessivam* attinet, credimus nos eam in hoc casu administrari posse, sed majori mensura, nempe ad 6. vel 8. Uncias, imo plures, cavendo, nostris in climatibus, repetitiones & subjungendo regimen magis *diaphoreticum*, præsentioraque *sudorifera*, quam cautelam etiam celeberrimum Practicum *Uratisslan*. D. D. HELWIG inculcare video *Historia Morb. Uratisslan. &c.* Anno 1702. pag. 43.

Me quod concernit, statuo V. Sonem *Methodo* ac *regimine temperatiore* optime COMPENSARI posse. Est autem methodus vera ac genuina artificialis illi directioni conformis, quam *Natura* in Variolis magis regularibus SPONTE observat, nempe DIAPNOICA, transpirationem lenissime augens, qua non solum *μιάσμα* variolosum extruditur, sed etiam sociæ febris ad interiora tendentia & antiperistasis efficacius præpeditur, stricturæque fibrarum externi habitus sustolluntur. Hunc in finem ego quidem summo mane exhibeo Essentiam *Scordii* saturatam vel solam vel cum Ess. radic. *pimpinellæ* remixtam ad 30. vel 35. guttas, vel etiam Essentiam *alexipharmacam* STAHLII vel consimilem, ad imitationem ejus, è *Scordio* & radicibus aliquod selectis *alexipharmacis* paratam, cui nos corticem *Cascarillæ* seu *Chacarillæ* adjicere solemus. Eandem dosin repetimus, interdum hora 10. antemeridiana, plerumque vero 2. aut 3. pomeridiana; vesperi vero, & in noctem pulveres duos, ex oculis *cancrorum*, *matre perlarum*, C. C. *Philosophico*, *conchis præparatis* aut consimili absorbente,



te, cum bono  $\text{℥}$ . *diaphoretico*, & interdum pauxillo  $\text{℥}$ . vel nativæ vel  $\text{℥}$ . exhibemus, cum vehiculo aquarum diapnoicarum, *Scorzonera*, *plantaginis*, *tiliæ*, *acatiarum*, *sambuci*, *galegæ*, *scordii*, *carduibenedicti*: abstinendo ab aqua *fumariæ*, secundum prudens consilium Excell. HOFFMANNI *Diss. de prax. clinic.* & compend. *Februm*, & Excell. STAHLII. *Dissert. de Variolis*. Sane ego plus quam ducentas mensuras in instructissimo pharmacopolio Onoldino, pharmaciae cum studio philosophico operam navans, partim ipse expetenti plebi vendidi, partim vendere vidi, adeoque illius effectum probe perspexi, sed non habeo, quæ in illius laudes afferre possim, quantumvis etiam à vulgo æstimetur. Hic certe locorum tantum abest, ut in Variolis biennio abhinc epidemice grassantibus, profuerit, ut potius multos pusillorum in mortem præcipites dederit. Loquor autem potissimum de illo *abuso*, cum immodestius præberi solet. Etenim solenne est hic locorum, ut parvulis pro potu ordinario exhibeatur, quorum multos, etiamsi vix 4. aut 5. annum attigerint, intra nycthymerum plus XVI. ad XVIII. 3. hausisse vidi, sed cum eventu poenitendo. Unde virorum practicum illam cum aliis temperatioribus remiscendum Methodum improbare in animum non induco; quamvis pro mea parte asseverare queam, quod quantumvis non minimum Variolosorum numerum hætenus tractandum habuerim, vix guttam  $\nabla$ æ *fumariæ* adhibuerim. Ubi paulo fortior diapnoë requiritur, utor cortice *Chacarillæ*, quem à B. APINO, Fautore nostro dum viveret integerrimo, edoctus in variis tum februm tum etiam Variolarum Schematibus hætenus felici successu adhibeo, & quidem in substantia ad grana vj. apud teneriores, vel ad. XII. XV. pro ætatis ratione cum absorbentis cujusdam &  $\text{℥}$ . *diaphoretici*, (quin boni *bezoardici mineralis*) ana gr. vj. vel viij. Talem pulverem ex  $\nabla$ is diapnoicis, singulis quinis vel senis horis exhibeo; aut, siquidem pulveris moles alicui nimis diffusa videatur, cum miscela aquarum diapnoicarum & Syrupi cujusdam mixturam concinno, ad 3. cochlearia singulis 4. a. 5. horis præbendam. Apud delicatiores, præcipue pusillos, mihi *extractum Chacarillæ* in usu est, sub pilulari forma, l. mixturarum ex aquis diapnoicis & pulveribus diaphoreticis concinnatarum. Facio vero ut non ultra gr. viij. apud infantes, aut XV. vel 2j. apud adultos intra nycthymerum consumatur. Sicubi vero hoc extractum pulveri cuidam absorbenti, diaphoretico, admiscere animus est, 2.



ad 3. granis pro dosi contentus sum, talemque pulverem singulis 5. aut 6. horis repetendum curo. Apud Sanguineos aut floridos homines *Emulsiones* ex seminibus expellentibus, aquilegiæ, napi, raparum, cum aquis diapnoicis paratas & absorbentibus fixisque Galibus imbutas usurpo. Apud phlegmaticos vero Volatilium Æeorum, nempe Ess. Scordii, pimpinellæ, alexipharmacæ, usum duplico, triplico, hoc est, frequentius talia quam apud alius temperamenti subjecta ingero; singulis videlicet binis vel ternis horis; licet dosi, quo magis repetita, eo refractiori.

Interdum, cum id soporosi affectus exigunt, Liq. C. C. Succinati bene & ad præscriptum pharmacie Augustanæ noviss. edit. præparatum, addo; cæterum à volatilibus salinis aliisque calidioribus abhorrens; non ita a fixis acidis, præcipue vegetabilibus, citratis, imo ipso  $\oplus$ . parca manu sed repetito exhibito cum absorbentibus; sed rarius & non nisi necessitate cogente, in æstu alias non compescibili. Quodsi variolæ jam eruperint, sed elevari morentur, imo plane retrocesserint, quamvis sub hoc ultimo rerum articulo parva spes in medicamentis superfit, *mixturam simplicem*, modeste camphoratum, vel solam usurpo vel aliis admisceo, v. g.  $\dagger$ . diaphoretico,  $\dagger$ inis, extracto chacarillæ, non æque terreis, quæ acidum  $\oplus$ icum, hic innocentissimum absorbent, sicque medicamentum hoc, alias satis efficax, destruunt: metus vero quod  $\dagger$ . diaphoreticum par præstiturum, nempe acidum absorpturum, sit, me, chymia haud adeo rudem, non angit. Sunt etiam *vesicantia* in hoc casu non negligenda vel brachiis vel femoribus apposita, revulsione gratia, & ad congestionem illam fatalem versus superiora præpediendam. Nec *frictionum*, præcipue in pedibus instituendarum, oblivisci licet, nec fomentationum calidarum plantarum pedis ad imitationem BAGLIVI Prax. Med. L. I. Cap. IX. p. 63.

Efflorescentibus Variolis nihil magis in votis habeo quam ut illæ in debita magnitudine & elevatione conserventur, ac ad veram maturationem perveniant. Huic scopo sola dein absorbentia cum fixis Galibus applico, vel sub pulverum, ter aut quater per nycthymerum repetendorum, vel sub mixturæ cum  $\nabla$ is diapnoicis prædictis compositæ, toties ac pulveres exhibendæ formula. Quibus pulveribus aut cui mixturæ, sicubi Variolæ deprimi videntur, myrrhæ rubræ, vel Essentiæ ejus pauxillum admisceo. Curam temperatis Essentiis bezoardicis, quas præprimis Ess. *pimpinellæ*



ingreditur, concludo, & ultimo, ægro convalescente & iterum orthostadio, purgante ꝑ ali, seu quod ꝑ .*dulcis* ingreditur, obfigno. Cum hisce vero omnibus REGIMEN, sine quo felicem sortiri effectum impossibile est, conspirare debet. Hinc quidem ægros quantocyus lectis adstringo, sed in atmosphæra temperata detineo. Etenim quantum detrimenti calida aëris temperies patientibus afferat SYDENHAM primus demonstravit. Unde abesse jubeo stragulorum acervum, contentus ut patientes non majori tegminum munimento se submittant, quam quod positivam refrigerationem excludit. Exulent igitur hypocausta calidissima, quibus ægri ab imprudentibus mulierculis ita torquentur, ut in phalaridis equuleo majori torturæ vix subjici queant. Exulent etiam medicamenta calida, bezoardica, nimium camphorata, nimium myrrhata, volatilia ꝑ ꝑ sa, empyrevmatica &c. insignem sanguinis expansionem causari, inquietudinem, æstum aliasque molestias augere, secretionem vero & excretionem transpiratoriam certissime impedire apta. Cum vero pro lenissimo madore procurando nihil commodius sit, quam potus calidi, Thée aut Caffée, possunt adulti horum vel similium ex Radice scorzonæræ, Herba Scordii, veronicæ, Floribus aquilegiæ, semine anisi Indici stellati &c. paratorum, quantum pote calidissimorum 2. ad 3. scutellas haurire, ac post haustus hosce, quantum possibile est, corpus quietissime continere. Quam *tranquillam* corporis *continentiam* etiam per totum decursum morbi severe inculco, certissimus, quod Variolæ etiam in adultis, sub exquisitissima tali continentia, vel sine ullis vel saltem sine multis medicamentis curari possint. Hæc methodus Variolas lenius tractandi accurate si observetur, atrociora symptomata caput rarius extollere solent. Sicubi vero vel ex constitutionis peculiari malignitate, vel individuali particulari dispositione quædam illorum consurgunt, illa ex alio fonte, nempe particulari & symptomatibus debito, oppugno. *Convulsiones*, quamvis sub initium eruptionis rariores sint, & egomet tales nonnisi in virgine 18. annorum hisce epilepticis motibus assueta viderim, si tamen etiam apud adultum quempiam ferocire observentur, nullo medicamento felicius abigi poterunt, quam Liq. C. C. succin. & ꝑ inis largius porrectis. *Hæmorrhagias* interne Dos, parva quidem dosi, sed repetito exhibitis, externe vel pulvere sympathetico vel bufone axillis applicito, vel aliis notis partim medicamentis partim enchirisis cohibemus.



bemus. Ad *diarrhoeas*, præsertim à φλόγῳ, intestinorum pendentes, quantum ①. conferat sciunt experti. Vulgo dicunt ①. alvum movere. Concedo hoc de certo usu ①. de omni nego. ①. largius, nimis dilutum, & cum diluentium nimia copia superingesta obtrusum utique alvum stimulat, parcius vero ad 6. vel 7. grana, quantumvis repetito porrectum, cum terreis ostracodermis remixtum, & quantum fieri potest minus dilutum exhibitum, tantum abest, ut alvum moveat, ut potius corrigendo materiam causticam biliosam, diarrhoeæ auctorem, & abstergendo parietes inflammatorum intestinorum, fluxum talem alui, non quidem supprimat crassorum adstringentium more, moderetur interim & intra optatissimos successus, naturalis limites contineat. Qui vero ab usu salis hujus abhorrent illi per me theriacalia in usum vocare possunt, non obliviscendo tum regiminis tum remediorum diaphoreticorum, juxta illud HIPPOCRATIS: Cutis densitas, alvi laxitas & contra. Commendabilis mihi est *Theriaca* Andromachi cum ∇. cina-momi cydoniata, plantaginis, pulveribus diaphoreticis, & ex adstringentibus mitissimo illo C. C. usto, vel Radice Tormentillæ, exhibita; aut Essentia Theriacalis, item Extractum bistortæ, Tormentillæ cum laudani cydoniat. Langelotti aut mp. de cynoglossa momento remixtum. Adjungo hisce vel extractum *chacarille* vel chacarillam in substantia. Quantum enim cortex hic in diarrhoeis & dysenteriis tum idiopathicis tum sympathicis valeat, nemo nisi expertus crediderit. Externe experimentum illud ab Excell. HOFFMANNO diff. de cita, ac compendiosa Februm curatione, allegatum, *Theriaca* nempe oleo ℞. *menthæ* largius imbuta & umbilico imposita in aliquot puerulis, propriaque mea puella, Variolis confluentibus biennio abhinc decumbente, haud infeliciter cessit. Fit interdum contra, ut alvus in Variolis restitet. Sed non timenda est hæc suppressio. Ego certe numerosos habui Variolosos, quibus alvus ad 5. 6. vel 8. imo ad 10. usque diem sine ulla noxa suppressa fuit, & inter hos virginem vix nubilem 16. annorum, quæ licet sub media lumbrici lati, cujus haud multo ante variolarum insultum aliquot ulnas una vice excrevit, licet, inquam, sub media hujus monstri expulsionem Variolis corripere, nihilominus ad 11. diem alvum habuit adstrictam, nec à me, cum tranquillum prorsus esset abdomen, stimulatam, sine ulla inde consequuta noxa. Quod si vero parentum aut adstantium importunitate ad alvi relaxationem cogor,



ultra globulos moschatos aut suppositoria nihil admitto; clysteres vero studiose fugio. Externe amo quoddam amuletum, sed non fatuum, non superstitiosum. Est hoc CAMPHORA in parvulis ad ʒβ. in adultis ad ʒij. antrorsum è collo suspensa, cujus experimenti, à duobus Hallensibus Æsculapiis, HOFFMANNO & STAHLIO, hausti, in numerosis variolosis, partim jussu meo & consilio, partim ad imitationem mei, factæ applicationis tantam deprehendi efficaciam, ut me usus illius nunquam poenituerit. (1.) enim præservat oculos ab invasione pustularum aliisque accidentibus, idque physico - mechanica ratione, dum effluvia ejus e media corporis regione in superiorem exhalantia, & præcipue oculos petentia, quod nictitatio eorundem testatur, omnem vaporum variolosorum in tunica cornea vel conjunctiva adhæSIONem impedit, vel quascunque forte fortuna collectas particulas efficacissime dissipat, discutit, dispellit; certe efficacius, quam vel sapphirus vel radices morsus diaboli, vel aurum ipsum, carissimum licet metallum, quod cujuslibet experientiæ, tentamini, quin & rationi committo. (2.) nervina sua virtute, quam odore teste per totam corporis superficiem spargit, sicque peculiarem circa corpus atmosphæram constituit, obicem ponit fatali externi habitus corporis constrictioni, quin poros apertos servat, & transpirationem insensilem, qua potissimum pustulæ feliciter excluduntur, promovet; hinc (3.) inæquales partium solidarum contractiones præoccupat, & æquilibrium motus fibrarum Tonici conservat, efficitque, ut, sub concurrente internorum lenium & modestorum diapnoicorum usu, particulares congestiones evitentur. (4.) Lenit dolorem ab inflammatione & suppuratione coortum, resolvendo, discutiendo, majoremque, quam par est, affluxum cohibendo. (5.) Putredinem & fastidiosum illum, tum ipsis agris tum medentibus molestum, odorem Variolarum corrigit & emendat. Est autem illius efficacia tanto manifestior, quo sensibilibior est patiens, unde natu minoribus vix non semper proficua existit. Neque tamen apud adultos inefficax est, si vel majore dosi, nempe uti dictum ad ʒij. appendatur, vel soluta in S.V. rectificatissimo adhibeatur. Talem S.V. rectificatissimum, camphora, quantum pote, imprægnatum, felici hactenus cum successu, linteis lectorum adspargere jussi; nec metus est ab humiditate Variolis insensa, modo non frigidissimus sed prius calefactus inspergatur. Etenim S.V. camphoratus si rectificatissimus fuerit in momento sic-



siccescit, avolante S. V. & relicta camphora, prout hoc cuilibet chymia non plane inexperto erit perspectum. Fauces, si collum externe bene muniatur, vix vitium capiunt. Sicubi vero anginae, prunellae, aphtharum metus sit, tum nota *mucilaginosae* commendamus, tum Essentiam *pimpinellae*, ter aut quater de die, imo pluries, sine ullo vehiculo ad 18. 20. aut plures guttas deglutitam; quae, licet acris sit & sub ipso sui usu fauces paululum constringere vel potius irritare videatur, revera tamen, si hac molestia transitoria spernatur, ad resolvendas illic locorum coorientes stases inflammatorias aptissima existit. Si quae supersunt symptomata ex proprio capite ut *symptomata* tractanda veniunt. Valet certe hic dictarium: principiis obsta. Ad foveas  $\odot\odot$  ovorum expressum leviter camphoratum, adhibemus, & sub orthostadia agri recuperata,  $\text{H}$ ina. Pro potu ordinario admittimus decoctum C. C. rasi, corticum citri, cinamomi &c. nec emulsiones fastidimus amygdalinas, modo ne largius hauriantur; admittimus etiam sub alvi & abdominis tranquillitate interdum hydromel simplicius. Vinum vero & omnia Vinosa, ut & cerevisiam severe prohibemus, nec non quamcunque animi conturbationem; quam etiam unam ex causis lociis esse, cur Variolae apud adulescentes suspectae sunt, neminem latere spero, qui maximam in pervertendis morborum typis & schematibus passionum animi vim & potestatem perpendet. Haec methodus mihi familiaris est. Quae vel similis quod omne illud in praecedentibus expositum periculum securius avertere valeat, ego quidem certo crediderim. Saltem nullam aliam quam *diapnoicam*, sed temperatam, conjunctum typum sanguineae febris efficacius dissipare, Variolas vero omni modo promovere posse, certum est. Unde pro conclusione hujus dissertationis illud porisma elicio: *Methodum periculum, quod adultis à Variolis imminet, avertendi, nullam aliam esse, quam illam quae apud teneriores adhibetur, scilicet DIAPNOICAM.* Quantum hic illustris GUNDELSHEIMERI methodus Variolas repetitis vomitorio-laxativis tractandi, valeat, determinare nolo. Mihi certe experimentum illud in duobus aut tribus subjectis haud infeliciter cessit, sed exinde nondum regulam & cynosuram firmam elicere possim. Caterum an Clarissimi HOMBERGII  $\ominus$ .  $\oplus$ li narcoticum in tali infausta febrium complicatione proficuum futurum sit, nondum liquet. Commendat id auctor

Nobilis-



Nobilissimus dans l'*Histoire de l'Academie Royale Francoise des sciences*  
Anno 1702. *Memoires* p. 67. in talibus, quæ raptu ad caput (transport  
au Cerveau) comitatae sunt. Jam cum pertinax in composito tali typo ad  
caput contingat sanguinis congestio, non inutilis videtur specifici talis  
administratio, sed merito tale ulteriori tentamini ac ex-  
perientiae relinquimus.

F I N I S.

















